



Osterøy kommune  
Rådhuset  
5282 LONEVÅG

Vår dato: 29.06.2018  
Vår ref.: 201835778-2  
Arkiv: 411  
Dykkar dato: 15.06.2018  
Dykkar ref.: NPRUMN

Sakshandsamar:  
Yngve Midtun

## 20104 - Tilsegn om tilskot til gjennomføring av jordskredsikring på Votlo, Osterøy kommune, Hordaland fylke

NVE gjev tilsegn om tilskot på 80 % av kostnadene for tiltaket. NVE sin del er avgrensa til 1.113.728,- kr.

NVE legg til grunn at Osterøy kommune får kompensert moms etter momskompensasjonsordninga, og moms er difor utelatt frå kostnadsoverslaget. Osterøy kommune må dekkja sine eigne administrasjonskostnader.

NVE legg til grunn at vilkåra er akseptert om NVE ikkje har motteke klage på vedtaket innan utgangen av klagefristen.

### Bakgrunn for saka

Vi syner til Osterøy kommune sin søknad dagsett 15.06.18 om tilskot til jordskredsikring på Votlo.

Den 7. desember 2017 gjekk det eit jordskred på Votlo der ein bustad vart råka. Ein person omkom som følgje av skredet.

SWECO vart engasjert av Osterøy kommunen til å utarbeida faresonekart for å få oversyn over skredfaren i området. I notat (56732002-N01-A01) frå SWECO vert det konkludert med at 3 bustadar, inkludert den som vart råka 7. desember 2017, ligg innanfor faresona der årleg nominelt sannsyn for jordskred er større enn 1/100. Kommunen har rådd frå permanent opphald i desse bustadane inntil området er sikra.

Vidare vart Instanes AS engasjert av Osterøy kommune til å vurdere moglege sikringstiltak for det jordskredutsette området. Notatet (IAS 2219-1) frå Instanes AS skisserer fire moglege alternativ der berre tre vert vurdert som realistiske. Tiltaket kommunen har vald å gå vidare med, og søkar om stønad til, omfattar drenering av skråninga samt bruk av vegetasjon for å auka stabiliteten til grunnen.

Tiltaket har eit kostnadsoverslag på kr 1.392.160,- eksklusive mva.

E-post: [nve@nve.no](mailto:nve@nve.no), Postboks 5091, Majorstuen, 0301 OSLO, Telefon: 09575, Internett: [www.nve.no](http://www.nve.no)

Org.nr.: NO 970 205 039 MVA Bankkonto: 7694 05 08971

Hovedkontor  
Middelthunsgate 29  
Postboks 5091, Majorstuen  
0301 OSLO

Region Midt-Norge  
Abels gate 9  
7030 TRONDHEIM

Region Nord  
Kongens gate 14-18  
8514 NARVIK

Region Sør  
Anton Jenssensgate 7  
Postboks 2124  
3103 TØNSBERG

Region Vest  
Naustdalsvegen. 1B  
6800 FØRDE

Region Øst  
Vangsveien 73  
Postboks 4223  
2307 HAMAR

## Vedtak

- NVE gjev Osterøy kommune tilsegn om tilskot til finansiering av jordskredsikring på Votlo.
- NVE vil dekkja 80 % av kostnadane innanfor ei ramme på kr 1.113.728,- ekskl. mva.
- Kostnader til mva. og administrasjon skal ikkje inngå i grunnlaget for tilskotet.

Vedtaket er fatta på grunnlag av tildeling over statsbudsjettet kapittel 1820, post 60, og tilhøyrande regelverk for tilskot.<sup>1</sup>

## Grunngjeving for stønad

Med bakgrunn i årleg tildeling i statsbudsjettet sitt kap. 1820, post 60, forvaltar NVE ei tilskotsordning der kommunar kan søkja tilskot til undersøking, planlegging eller gjennomføring av fysiske sikringstiltak mot flaum og skred, og til miljøtiltak i vassdrag. Tilskotsmidlane vert forvalta i tråd med *Regelverk for tilskudd til flom- og skredforebygging og miljøtiltak langs vassdrag*. Dette regelverket er utarbeidd i høve til reglement og reglar for økonomistyring i staten og fastsett av OED. Det følgjer av tilskotsregelverket at NVE vil vurdera om tiltaka tilfredsstillar nærare gjevne tildelingskriterier. Midlane dekkjer ikkje alle dei behov for tiltak som vert meldt. NVE skal prioritera dei tiltak som har størst risiko og høgast nytte for samfunnet i høve til kostnadane.

Tiltaket det er søkt om tilfredsstillar tilskotskriterier for denne tilskotsordninga då Osterøy kommune søker om tilskot til planlegging og gjennomføring av fysiske tiltak for å redusera faren for skadar frå skred på eksisterande busetnad, jf. tilskotsregelverket sitt punkt 4.1.

NVE har lagt stor vekt på at permanent opphald er rådd frå fram til sikring er på plass, og difor funne grunn til å hastehandsama søknaden. Det er god grunn til å prioritere denne både ut frå vurdering av nytte/kost og risikoen (faregrad og konsekvens). NVE finn at tiltaket har høg nytteverdi i høve til kostnadane, og legg særleg vekt på at tiltaket vil gje auka tryggleik for liv og helse, jf. tilskotsregelverket sitt punkt 4.4.

NVE legg til grunn at omsynet til krav i naturmangfaldlova vert ivareteke i prosjekteringa av tiltaket.

Vi understrekar at NVE si tilsegn ikkje betyr nokon form for løyve til å starta bygging. Saka må avklarast etter plan- og bygningslova sine reglar og reglar i andre aktuelle lovar. Vi gjer òg merksam på at kommunen sjølv må ordna tilhøva til dei private interessene som tiltaket kjem ved, og få rett til grunn der tiltaket skal plasserast. NVE vurderer ikkje dei privatrettslege tilhøva ved gjennomføring av tiltaket.

Det følgjer av tilskotsregelverket at mottakar av tilskotet normalt må dekkje 20 % av kostnadene ved tiltaket.

Om kommunen ynskjer å få dekkja heile eller delar av eigendelen frå private som har nytte av sikringstiltaket med grunnlag i avtale eller i naturskadeloven §24, er dette kommunen sitt ansvar.

## Vilkår

Tilsegna vert gjeve på følgjande vilkår:

1. Ferdig plan med endeleg kostnadsoverslag skal sendast NVE før arbeidet med gjennomføring av tiltaket startar.

---

<sup>1</sup> Regelverk for tilskudd til flom- og skredforebygging og miljøtiltak langs vassdrag, (kap. 1820, post 60)

2. Planlegging og gjennomføring av tiltaket tilfredsstiller krava i plan- og bygningslova og andre aktuelle lovverk når det gjeld løyve, krav til sakshandsaming og ansvarsrett og at privatrettslege tilhøve knytt til tiltaket er avklart.
3. Tiltaket prosjekterast, gjennomførast og kontrollerast av føretak med kompetanse på fagområdet.
4. Kommunen tek ansvaret for framtidig tilsyn med og vedlikehald av anlegget. NVE Region Vest skal varslast før arbeida vert sett i gong og skal ha høve til å følgja opp tiltaka.
5. Prosjektet må vera sett i gong og bygging starta innan utløpet av det året tilsegna er gjeven. NVE skal orienterast skriftleg om at bygging har starta.
6. Prosjektet må vera slutført og sluttregneskapet sendt til NVE innan 31.12.20.
7. Seinast innan utgangen av februar året etter prosjektet er avslutta skal Osterøy kommune senda over til NVE:
  - a. Ein rapport som gjer greie for korleis stønaden er nytta. Prosjektrapporten skal omfatta kva tiltak som er gjennomført og kva resultat som er oppnådd.
  - b. Eit oversyn som syner korleis tiltaket er finansiert og som spesifiserer utgiftene ved gjennomføring av tiltaket. Rekneskapen skal revisorattesterast jf. tilskotsregelverket sitt punkt 5.1.

NVE legg til grunn at vilkåra er akseptert om NVE ikkje har motteke klage på vedtaket innan utgangen av klagefristen.

### **Utbetalingsordning**

Tilskot vert utbetalt når:

- Anlegget er gjennomført.
- Sluttregneskapen er revisorattester.
- NVE har motteke faktura. Faktura sendast elektronisk i EHF-format og merkast med: «20104 – Jordskredsikring på Votlo, Osterøy kommune».

Delar av tilskotet kan betalast ut undervegs på grunnlag av rekneskapsoversikt for utgifter gått med.

Vi tek atterhald om at tidspunkt for utbetaling avheng av tilgjengelege budsjettmidlar på det aktuelle tidspunktet, og at det difor kan verte aktuelt å forskyva utbetalningar noko utover i tid i høve til kommunen sine ynskje.

### **Moglege kontrolltiltak og reaksjonsformer**

I samsvar med tildelingsreglementet sin § 10, andre ledd, vert det teke atterhald om at NVE og Riksrevisjonen kan setja i verk kontroll med at midlane vert nytta etter føresetnadane.

Dersom tilskotet ikkje er utbetalt, kan tilsegna falla bort om Osterøy kommune:

- Ikkje overheld eller aksepterer vilkåra for tilskotet.
- Opptrer i strid med målsettinga for tilskotsordninga.

Utbetalt tilskot kan krevjast tilbakebetalt om:

- Det er utbetalt på grunnlag av feil eller misvisande informasjon frå Osterøy kommune.
- Tildelinga er nytta til andre føremål enn føresetnaden, eller bryt med vesentlege vilkår i tilsegna



### Klagerett

Denne avgjerda kan klagast på til Olje- og energidepartementet av partar i saka og andre med rettsleg klageinteresse innan 3 veker frå det tidspunkt denne underretninga er komen fram, jf. forvaltningslova kapittel VI. Ei eventuell klage skal grunngjevast skriftleg, stilast til Olje- og energidepartementet og sendast til NVE. Vi ynskjer elektronisk innsending til den sentrale e-postadressa vår: [nve@nve.no](mailto:nve@nve.no).

Med helsing

Siss-May Edvardsen  
fung. regionsjef

Yngve Midtun  
overingeniør

*Dokumentet vert sendt utan underskrift. Det er godkjent etter interne rutinar.*

Vedlegg: